



Inatsisartunut ilaasortaq Palle Christiansen, Demokratit
C/O Inatsisartut Allattoqarfiat
/Maani

§ 37 naapertorlugu, 2013-imi apeqqutit nr. 94-issaannut, akissuteqaat

Ulloq 7. juni 2013-imi Naalakkersuisunut imaattunik apeqquteqarputit:

1. Meeravissiaartaarnermut malittarisassat Naalakkersuisut allangortinniarlugit pilersaaruteqarpat, angajoqqaat assigiimmik suaassusillit meeqqap inooqqaarneraniit ataatsimoorlutik angajoqqaatut oqartussaassuseqarsinnaangorlugit?
2. Peqqinnissaqarfimmi pingaarnersuinerit allangortinniarlugit Naalakkersuisut pilersaaruteqarpat, siornatigut meeraaqanngitsut imaluunniit angajoqqaat assigiimmik suaassusillit aappasaanik pingajussaanilluunniit meerartaassatillugit pisortanit aningaasatigut ikiorserneqarsinnaangorlugit?

26. juni 2013
Suliap normua 2013-085145
Dok. nr. 1243005

Postboks 1015
3900 Nuuk
Oqarasuaat (+299) 34 50 00
Allakkasuartaat (+299) 32 50 02
E-mail: govsec@nanoq.gl
www.nanoq.gl

Ilisimatitsissutigineqarsinnaavoq, apeqqutip 2-p akissuteqaataa Peqqissutsimut Attaveqarnermullu Naalakkersuisoqarfimmiit suliarineqarmat.

1) Assigiimmik suliaassusillit meeravissiaartaarsinnaanerat pillugu apeqqut, taamatutaaq inooqqaarnermiit ingerlaannaq meeravissiaartaarsinnaaneq pillugu maleruagassat, ilaqtariit pisinnaatitaaffiannut ilaavoq. Ilaqtariit pisinnaatitaaffiat suli Namminersorlutik Oqartussanit oqartussaaffigineqanngilaq, taamaattumik suliaasaqarfimmi maleruagassat danskit naalakkersuisuinit suliarineqartarput.

Ilisimatitsissutigineqarsinnaavoq, ilaqtariit pisinnaatitaaffiinnut inatsiseqartitsineq, taamatutaaq meeravissiaartaarnermut maleruagassat, maanna nutarterneqarmata. Assigiimmik suaassusillit inunngorlaanik meeravissiaartaarnissaat pillugu apeqqut suliaasaqarfimmi maleruagassiat nalinginnaasumik nutarterneqarnissaannut ilanngunneqarumaarput.

2) Inooqatigiittut nalunaarsukkanut namminneq pisuussutigiginagu meerartaarsinnaanngitsunut Peqqinnissaqarfik nalinginnaasumik periaaseqartarpoq. Namminneq pisuussutigiginagu meerartaarsinnaanngitsut tamarmik, ukioq ataaseq sinnerlugu nalunaakkatut aappariissimasut, arnaq 36-t inorlugit ukioqaraangat, misissorneqarnissamut suliaritinnissamullu innersuunneqarsinnaapput. Meerartaarsinnaannginnermut peqqutaasoq apeqqutaatillugu suliarinnittarneq assigiinngiaartuuvoq. Arnat nalunaarsukkatut aappariit suaassuseqatigiinngitsutut periarfissaqartillugit atoqateqanngikkaluarlutik naartulersinneqarsinnaapput.

Innersuussisoqalinnginnerani qulaarineq ilaatigut anisuut misiligutaannik, kinguaassiuutitigut misissuinermik, hormonit qanoq issusiannik kiisalu nappaatit pillugit qanoq innermut atasut ilanngunneqarsinnaapput. Dronning Ingridip Napparsimmavissuani sulia-

rineqarnissamut neqeroorutigineqartut kissaatigisatut inerneqassanngikkaluarpata, kinguaassiorsinnaassusermik misissortinnissaq Rigshospitalimut innersuussutigineqarsinnaavoq. Rigshospitalimi suliaritinnermut aningaasartuutit Peqqinnissaqarfiup akilissavai, angalanerli tappavaniinnermilu aningaasartuutaasut aapparit namminneerlutik akiligasaraat.

Oqaatigineqareersutut taamaallaat aapparit meeraqanngitsut kisimik ernisinnaannginnerminnut misissuiffigineqarnissamut ikiorserneqarnissamullu neqeroorfigineqarsinnaapput. Taamaattumik Peqqinnissaqarfiup ernisinnaannginnermut suliaritinnerit akilerneq ajorpai, tamatumani angerlarsimaffimmi meeraqartoqareersimagaangat. Atuarneqarsinnaasutut, Kalaallit Nunaata avataani suliaritinnerit ilaannut ullumikkut akiliutit ilaannik akiliisoqartarpoq.

Ullumikkut iliortarnertut ernisinnaannginnermut suliaritinnissat Peqqinnissaqarfiup neqeroorutigissallugit nuannaarutigaa, inooqataasunullu neqeroorutit pingaernerutinnissaasa pitsanngortinnissaannut, tamatumani angerlarsimaffimmi ataatsimik arlalinniluunniit meeraqareersut, nappaateqavinnermut suliaritinnissat pisariaqarfiatigut aporfisariaqanngillat.

Ullumikkut aningaasaqarnermut aalajangiussaareersuni maanna neqeroorutaasartut annertusineqarnissaannut Peqqinnissaqarfik periarfissaqartitsinngilaq. Ullumikkorpiaq Peqqinnissaqarfiup kiffartuussinera tatisimaneqareerpoq, ilaatigut suliaritinnerit nutaat suliaritinnissamullu neqeroorutit ullumikkut atuutsinneqartut annertunerusumik atuutsinneqarnissaannut kissaateqartoqarnera pissutigalugu. Taamatut tatisimanninneq utoqqaat amerliartornerat peqqutigalugu annertusiartuinnartussaavoq.

Inussiarnersumik inuulluaqqusillunga
Med venlig hilsen

Aleqa Hammond

